

Jahresbericht 2015 Damenriege Horgen

- Es ereignisrichs Jahr isch verbi,
und i stürtz mi wieder in Jahresbricht dri.
- Es Momäntli durets scho no,
aber hie in Adelbode flüssend die Reim de scho.
- Wie chönts au adersch si,
bi de Jeanine am Ski-Weekend sind paar Nase debi.
- Wenigi hend teil gno,
aber de Aprés Ski isch sicher ned z kurz cho.
- De März isch cho,
und somit hend au einigi ade Jugendmeisterschaft teil gno.
- Neui Spieli hends bim Fachttest gmacht,
und mit viel Üebig hends au mir anebracht.
- Alauf hets brucht,
und die neue Ballabläuf hend eus gad chli gschlucht.
- Uf de Wäg nach Winnige hemer eus gmacht,
und eusi 10ni im Fachttest au anebracht.
- Am Schluss hemer als end Note es 9.54 empfangen,
und sind am Abe au fröhlich uf de Bänk gstande.
- Heiss hemer z'ganze Wucheend gha,
drum hemer am Sunntig en schwumm ide Badi Seerose no cheibe gärn gna.
- De Grillabig hemer wieder einisch im Seegüetli verbracht,
Danke Petrus du hesch da zumene krönende Abschluss gmacht.
- De Summerplausch isch erfolgrich gsi,
de bim Fontana isch fasch jede derbi.
- Uf de DR-Reis hemer üs richtig Jura gmacht,
und menge het über üses Französisch glacht.
- Uf de E-Bikes simer ghocket,
und richtig Creux de Van blochet.

- I eusem übernachtigs Dome acho,
hemer de au zersch en Apéro gno.
- Mit em Usdruck vualla issi,
isch den z'Dach und de Offe bald in ornig gsi.
- Glatt isch der Abig gsi,
und jetzt au es neus Passivmitglied uf der Liste derbi.
- Bim Papiersammele hemer au fliessig mitgmacht,
und viel glacht.
- Die korekt gortnete Mann und die chaotische Fraue,
hend sich parmal z'Papier über d Finger ghaue.
- D'Veteranetagig isch glunge,
den mir hend als Helfer s'Serviertablar gschwunge.
- Bevor mer as Fustballturnier hend chäne ga,
hend's mir eus mit em Spaghettikorb vom 2014 no la guet ga la.
- Scho isch es cho,
und mir hend d Bölle bim Fustball mit bravur abgno.
- Glanget hets au dis Jahr ned für de 1sti Platz,
thaupsach mir hend mitgmacht.
- Us em Schlubu hend's e Selfie Chalange gmacht,
und bi dene Fotene wo da usecho sind hemer de au viel glacht.
- En glungne Abig hend da d'Mariana und d'Nicole organisiert,
am nechste Tag hend glaub einigi uskuriert.
- De Chlaus isch au zu eus cho,
und het de eus im Sack uf Silbrugg abe gno.
- Zum Bowle het er eus gschickt,
d'Kugle sind nume so zu de Kegel gflizt.
- Für z'neue Turnerjahr nume z'Best,
mit super Gsundheit und viel Fest.